

BOSNA I HERCEGOVINA
FEDERACIJA BOSNE I HERCEGOVINE
ZENIČKO–DOBOJSKI KANTON
KANTONALNO TUŽILAŠTVO
ZENIČKO–DOBOJSKOG KANTONA

Broj: T04 0 KT 0063830 25

Zenica, 23.09.2025. godine

OPŠTINSKOM SUDU U ZENICI

- Sudiji za prethodno saslušanje –

Nakon provedene istrage, na osnovu odredaba člana 45. stav 1. i 2. i člana 241. stav 1. Zakona o krivičnom postupku Federacije Bosne i Hercegovine (*Službene novine Federacije BiH*, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13, 59/14)¹,
p o d i ž e m

O P T U Ź N I C U

Protiv,

S. Đ. zv. „Đ.“, osuđivan,

Što je,

Dana 30.04.2025. godine na području grada Zenica, u ulici ..., skinuo službeni znak – traku koju je postavila službena osoba građevinski inspektor u službi za inspekcijske poslove grada Zenica T. A. kojim je osigurala prostorije na poslovnom objektu prilikom inspekcijskog nadzora, da bi potom kao investitor ušao u prostorije poslovnog objekta, te rekao svojim sinovima S. A. i S. A. da uđu u prostorije poslovnog objekta i iz istog iznesu hranu, nakon čega na lice mjesta dolazi inspektorica T. A. i zatiče ih na licu mjesta, svjestan da svojim radnjama skida službeni znak koji je postavila službena osoba radi osiguranja prostorija, a što je i htio,

Čime je počinio krivično djelo „Skidanje ili povreda službenog pečata ili znaka“ iz člana 366. stav 1. Krivičnog zakona Federacije BiH (*Službene novine Federacije BiH* broj 36/03, 37/03, 21/04, 69/04, 18/05, 42/10, 42/11, 59/14)²

¹ U daljem tekstu ZKP FBiH.

² U daljem tekstu KZ FBiH.